

اتوار 27 جولائی، 2025

مضمون۔ سچائی

سنہری متن: یوحنا 8 باب 32 آیت

”تے سچائی توں واقف ہوو گے تے سچائی تہانوں آزاد کرے گی۔“

جوابی پڑھائی: زبور 19: 7 توں 11 آیتاں

زبور 117: 1، 2 آیتاں

7۔ رب دی شریعت کامل اے۔ اوہ جند نوں بحال کر دی اے۔ رب دی گواہی سچی اے۔ نادان نوں سیان دیندی اے۔

8۔ رب دے قانون راست نیں۔ اوہ دل نوں سکون دیندے نیں۔ رب دا حکم بے عیب اے۔ اوہ اکھیاں نوں روشن کر دے اے۔

9۔ رب دا ڈر پاک اے۔ اوہ ہمیش تیکر رہند اے۔ رب دے حکم سچے نیں تے بالکل راست نیں۔

10۔ اوہ سونے توں تے بوہت کنڈن توں وی زیادہ پسند کیتے جان والے نیں۔ اوہ شہد توں بلکہ شہد دے چھتیاں دے ٹپکیاں توں وی مٹھے نیں۔

11۔ تے اوہناں نال تیرے بندے نوں آگاہی ملدی اے۔ اوہناں نوں من دا جروڈھا اے۔

- 1- اے قومو! سارے رب دی حمد کرو۔ اے امتو! سارے اوہدی ستائش کرو۔
- 2- کیوں جے ساڈے اُتے اوہدی بڑی شفقت اے تے خداوند دی سچائی ہمیشہ دی اے۔ خداوند دی حمد کرو۔

درسی وعظ

بائبل وچوں

1- امثال 3 باب 1 توں 5، 21 توں 23 آیتاں

- 1- اے میرے پتر! میری تعلیم نوں فراموش نہ کر بلکہ تیرا دل میرے حکماں نوں منے۔
- 2- کیوں جے تُوں ایہناں توں عمر دی درازی تے پیری تے سلامتی حاصل کریں گا۔
- 3- شفقت تے سچائی تیرے توں وکھ نہ ہوون گیان تے تُوں اوہناں نوں اپنے گلے دا طوق بنالویں تے اپنے دل دی تختی اُتے لکھ لویں۔
- 4- ایخ توں رب تے انسان دی نظروچ مقبولیت تے سیان حاصل کریں گا۔
- 5- سارے دل نال خداوند اُتے بھروسہ کرتے اپنے فہم اُتے تکیہ نہ کر۔
- 21- اے میرے پتر! سیان تے تمیز دی حفاظت کر۔ اوہناں نوں اپنیاں اکھیاں توں پرے نہ ہوون دے۔
- 22- ایس طراں اوہ تیری جان دی حیاتی تے تیرے گلے دی زینت ہوون گیاں۔

23۔ فیرتوں بغیر کھٹکے اپنی راہ اُتے ٹریں گاتے تیرے پیراں نوں ٹھیدانہ لگے گا۔

2۔ 1 سلاطین 18 باب 16 (انچی اب ٹریا) توں 26، 29، 30، 33 توں 39، 41، 46 (توں؛ آیتاں

16۔ تے انچی اب ایلیاہ نوں ملن لئی ٹریا۔

17۔ تے انچی اب نے ایلیاہ نوں ویکھیا تے اوہنے اوہنوں آکھیا اے اسرائیل نوں ستاؤن والے کیہ توں ای ایس؟

18۔ اوہنے جواب دتا میں اسرائیل نوں نہیں ستایا بلکہ توں تے تیرے پیو دے گھرانے نے کیوں جے تسی رب دے حکماں نوں ترک کیتا تے توں بعلم داپرور ہو گیا۔

19۔ ایس لئی ہن توں قاصد گھل تے سارے اسرائیل نوں تے بعل دے ساڈھے چار سونیاں نوں تے لیسیرت دے چار سونیاں نوں جیہڑے ایزبل دے دسترخوان اُتے کھاندے نیں کر مل دے پہاڑ اُتے میرے کول اکٹھا کر دے۔

20۔ سوا انچی اب نے سارے بنی اسرائیل نوں سنیماں گھلیا تے نبیاں نوں کر مل دے پہاڑ اُتے اکٹھیاں کیتا۔

21۔ تے ایلیاہ سارے لوکاں دے نیڑے آکے آکھن لگیا تسی کدوں تیکر دو خیا لاں وچ ڈاؤاڈول رہو وگے؟ جے خداوند ای رب اے تے اوہدے مگر ٹرن والے ہو جاو تے جے بعل اے تے اوہدے مگر ٹرو۔ پر اوہناں لوکاں نے اوہنوں اک لفظ جواب نہ دتا۔

22۔ فیر ایلیاہ نے اوہناں لوکاں نوں آکھیا اک میں ای کلاہ رب دانی بچ رہیا واں پر بعل دے نبی چار سو بچاہ بندے نیں۔

23۔ ایس لئی ساہنوں دو گٹھے دتے جان تے اوہ اپنے لئی اک گٹھاہ چن لین تے اوہنوں ٹکڑے ٹکڑے کٹ کے لکڑاں اُتے دھرن تے بیٹھاں اگ نہ بالن تے میں دو جاگٹھاہ تیار کر کے اوہنوں لکڑاں اُتے دھراں گاتے بیٹھاں اگ نیں بالاں گا۔

24- فیر تسی اپنے دیوتا توں دعا منگیو تے میں رب توں دعا منگاں گاتے اوہ رب جیہڑا اگ نال جواب دیوے اوہ ای رب ٹھہرے تے سارے لوک بول پئے چنگا آکھیا!

25- ایس لئی ایلیاہ نے بعل دے نبیاں نوں آکھیا پئی تسی اپنے لئی اک ٹگھاہ چن لوو تے پہلاں اوہنوں تیار کرو کیوں جے تسی بوہت سارے اوہ تے اپنے دیوتا توں دعا منگو پر میٹھاں اگ نہ دیو۔

26- ایس لئی اوہناں نے اوس ٹگھے نوں جیہڑا اوہناں نوں دتا گیا سی اوہنوں تیار کیتا تے صبح توں دوپہر تیکر بعل توں دعا منگدے تے آکھدے رہے اے بعل ساڈی سن پر نہ کجھ آواز ہوئی تے نہ کوئی جواب دین والا سی تے اوہ اوس مذبح دے آلے دوالے جیہڑا بنایا گیا سی پڑکدے رہے۔

29- اوہ دوپہر ڈھلے وی شام دی قربانی چڑھا کے نبوت کردے رہے پر نہ کجھ آواز ہوئی تے نہ کوئی جواب دین والا نہ دھیان کرن والا سی۔

30- فیر ایلیاہ نے سارے لوکاں نوں آکھیا پئی میرے نیڑے آ جاو ایس لئی سارے لوکی اوہدے نیڑے آگئے۔ فیر اوہنے رب دے اوس مذبح نوں جیہڑا ڈھا دتا گیا سی مرمت کیتا۔

33- تے لکڑیاں نوں سلیقے نال چنیا تے ٹگھے نوں ٹوٹے ٹوٹے وڈھ کے لکڑاں اُتے دھر دتا تے آکھیا چار گھڑے پانی دے بھر کے اوس سوختنی قربانی اُتے تے لکڑاں اُتے روڑھ دیو۔

34- فیر اوہنے آکھیا دوبارہ کرو۔ اوہناں نے دوبارہ کیتا۔ فیر اوہنے آکھیا تیجی واری کرو۔ ایس لئی اوہناں نے تیجی واری وی کیتا۔

35- تے پانی مذبح دے آلے دوالے رڑن لگ گیا تے اوہنے کھائی وی پانی نال بھر وادی۔

36- تے شام دی قربانی چڑھاؤن دے ویلے ایلیاہ نبی نیڑے آیا تے اوہنے آکھیا اے خداوند ابراہام تے اسحاق تے اسرائیل دے رب! آج پتہ چل جاوے پئی اسرائیل وچ توں ای رب ایس تے میں تیرا ای بندہ آں تے میں ایہناں ساریاں گلاں نوں تیرے ای حکم نال کیتا اے۔

37- میری سن، اے خداوند میری سن تاں جو ایہہ لوک جانن پئی اے خداوند توں ای رب ایس تے توں فیر اوہناں دے دلاں نوں پھیر دتا اے۔

- 38- فیر رب دی آگ نازل ہوئی تے اوہنے اوس سوختنی قربانی نوں لکڑاں تے پتھراں تے مٹی سمیت ساڑ دتا تے اوس پانی نوں جیہڑا کھائی وچ سی پٹ لیا۔
- 39- جدوں سارے لوکاں نے ایہہ دیکھیا تے منہ بھرنے ڈگے تے آکھن لگے خداوند اوہی رب اے! خداوند اوہی رب اے!
- 41- فیر ایلیاہ نے انخی اب نوں آکھیا تے آجا۔ کھاتے پی کیوں جے بوہت بارش والی آواز اے۔
- 46- تے رب دا ہتھ ایلیاہ اُتے سی تے اوہنے اپنی کمر کس لئی تے انخی اب دے اگے اگے یزرعیل دے بوہے تیکر دوڑدا گیا۔

3- زبور 160:119 آیت

160- تیرے کلام دا خلاصہ سچائی اے تیری سچائی دے سارے حکم ابدی نیں۔

4- فلپیوں 4 باب 4 توں 9 آیتاں

- 4- خداوند وچ خوش رہو۔ فیر آکھداواں پئی خوش رہو۔
- 5- تہاڈی نرم مزاجی سارے بندیاں اُتے ظاہر ہووے۔ خداوند نیسٹے اے۔
- 6- کسے گل دی فکر نہ کرو بلکہ ہر اک گل وچ تہاڈیاں درخواستاں دعائے منت دے راہیں شکر گزاری دے نال رب دے سامنے پیش کیتیاں جان۔
- 7- تے رب دا اطمینان جیہڑا سمجھ توں بالکل باہر اے تہاڈے دلاں تے خیالاں نوں مسیح یسوع وچ محفوظ رکھے گا۔

- 8- غرض اے بھراو! جنہیاں گلاں سچ نہیں تے جنہیاں گلاں شرافت دیاں نہیں تے جنہیاں گلاں ٹھیک نہیں تے جنہیاں گلاں پاک نہیں تے جنہیاں گلاں پسند دیاں نہیں تے جنہیاں گلاں سوہنیاں نہیں غرض جیہڑیاں نیکی تے تعریف دیاں گلاں نہیں اوہناں اُتے غور کر نیا کرو۔
- 9- جیہڑیاں گلاں تسی میتھوں سکھیاں تے حاصل کیتیاں تے سنیاں تے میرے وچ ویکھیاں اوہناں اُتے عمل کریا کرو تے رب جیہڑا اطمینان دا چشمہ اے تہاڈے نال رہوے گا۔

5- 3 یوحنا 2 توں 4 آیتاں

- 2- اے پیارے! میں ایہہ دعا کرداواں پئی جیویں توں روحانی ترقی کر رہیا ایں ایسے طراں توں ساریاں گلاں وچ ترقی کریں تے تندرست رہویں۔
- 3- کیوں جے جد بھرانواں نے آکے تیری اوس سچائی دی گواہی دتی جیدے اُتے توں اصل وچ ٹردا ایں تے میں بوہت خوش ہو نیا۔
- 4- میرے لئی ایہدے توں ودھ ہو ر کوئی خوشی نہیں پئی میں اپنے پتر اں نوں سچائی اُتے ٹردے سناں۔

سائنس تے صحت

1- 13:7 (دی)-21، 27-8

سوچن والیاں لئی ویلہ اپڑ گیا اے۔ سچیائی، عقیدیاں دی آزادی تے ویلے دی قدر دے نظام، انسانیت دے آستانے اُتے دستک دیندے نیں۔ ماضی دی قناعت تے مادہ پرستی دی ٹھنڈی تقلید مک رہی اے۔ رب توں لاعلمی ہو رہا ایمان دے رستے دا پتھر نہیں رہی۔ وفاداری دی واحد ضمانت اوس ہستی دے بارے درست سیان اے جنہوں چنگے طریقے نال جاننا ای ہمیشہ دی حیاتی اے۔ بھانویں سلطنتاں برباد ہو جانیاں نیں، پر ”خداوند ہمیشہ تیکر سلطنت کرے گا۔“

کیوں جے لکھارن نے بیماری تے ایہدے نال نال پاپ دے علاج وچ سچیائی دی طاقت نوں لہجھا، اوہدا نظام پورے طور تے تصدیق شدہ سی تے ایہہ کدی اودھائیں رہیا؛ بلکہ کر سچن سائنس دی اُچیائی تیکر اپڑن لئی، انسان نوں ایہدے الہی اصول دی فرمانبرداری حیاتی گزارنی چاہیدی اے۔ ایس سائنس دی پوری طاقت نوں اجاگر کرن لئی، بدنی حس دی مخالفت نوں روحانی حس دی ہم آہنگی مٹی چاہیدی اے، جیویں پئی موسیقی دی سائنس غلط دھنناں نوں ٹھیک کر دی تے آواز نوں مٹھی آہنگ فراہم کر دی اے۔

2- 31-28:293

کر سچن سائنس سچیائی تے اودھی وڈیائی، عالمگیر ہم آہنگی، رب، یعنی چنگیائی دی کلیت تے بدی دے عدم نوں لو وچ لیاؤندی اے۔

3- 21-3:304

ایہہ مادی فہم دیاں شیواں اُتے قائم جہالت تے جوٹھا عقیدہ اے جیہڑا روحانی خوبصورتی تے چنگیائی نوں لکاؤندا اے۔ ایہنوں سمجھ دیاں ہوئے پولوس نے آکھیا، ”رب دے پیار توں نہ ساہنوں موت، نہ حیاتی۔۔۔ نہ فرشتے نہ حکومتاں، نہ حال دیاں نہ استقبال دیاں شیواں نہ قدرت نہ اُچیائی نہ پستی نہ کوئی ہوو مخلوق وکھ کر سکے گی۔“ ایہہ کر سچن سائنس دا

عقیدہ اے: پئی الہی پیار اپنے اظہار یا موضوع توں عاری نہیں ہو سکدا، پئی خوشی دکھ وچ بدل نہیں سکدی کیوں جے دکھ خوشی دمالک نہیں اے؛ پئی چنگیائی بریائی نوں کدی پیدا نہیں کر سکدی؛ پئی مادا کدی سیان نوں پیدا نہیں کر سکدا نہ ای حیاتی کدی موت دا نتیجہ ہو سکدی اے۔ سچا انسان، رب یعنی اپنے سچے اصولاں دے پاروں، پاپ توں پاک تے ابدی اے۔

ہم آہنگی اپنے اصول دے راہیں پیدا ہندی، ایسے راہیں کنٹرول ہندی تے ایسے وچ قائم رہندی اے۔ الہی اصول انسان دی حیاتی اے۔ ایس لئی انسان دی خوشی بدنی فہم دے مکن وچ نہیں۔ سچائی نوں غلطی توں دکھ نہیں کیتا جاندا۔ انسان وچ ہم آہنگی موسیقی وانگر ای سوہنی تے مخالفت غیر فطری تے غیر اصلی ہندی اے۔

4- 288:10-26، 31-2

جدوں کر سچن سائنس دے ظاہری تے فانی اثراں نوں پوری طراں سمجھ لیا جاندا اے تے سچائی تے غلطی، سیان تے یقین، سائنس تے مادی احساس دے وچکائے تصادم، جید اپیش خیمہ نبیاں نے دتا تے جنہوں یسوع نے شروع کیتا، رد ہو جاوے گاتے روحانی ہم آہنگی بادشاہی کرے گی۔ غلطی دی گرج تے چمک اوہدوں تیکر ورہدی تے بلدی رہوے گی جدوں تیکر بدل ہٹ نہ جان تے ایسدا شور دور نہ ہو جاوے۔ فیہ رب ولوں مینہ دے چھٹے دھرتی نوں تازہ کر دے نہیں۔ جیویں مقدس پولوس آکھدا اے: ”ایس لئی رب دے لوکاں لئی آرام باقی اے“ (روح دا)

کر سچن سائنس دے گرجے وچ بنیادی ستون میٹھاں لکھے ہوئے نظریاں وچ پائے جانداں نیں: پئی حیاتی رب، یعنی چنگیائی اے نہ کہ بدی؛ پئی روح بے گناہ اے، جیہڑی بدن وچ نہیں ہندی؛ پئی روح مادی نہیں اے تے نہ ہو سکدی اے؛ پئی حیاتی موت دے میٹھاں نہیں اے؛ پئی روحانی اصلی انسان دی نہ پیدائش، نہ مادی حیاتی تے نہ موت اے۔

ابدی سچائی اوہنوں برباد کر دی اے جیہڑا انسان نوں غلطی توں سکھیا ہو یا کھالی دیندا اے تے رب دے پتر دے طور تے انسان دی اصلیت روشنی وچ آؤندی اے۔ ظاہر کیتی ہوئی سچائی ہمیشہ دی حیاتی اے۔

5- 32:26-372

کر سچن سائنس وچ، سچائی توں انکار جان لیوا اے، جدوں پئی سچائی دا اک عادل اعتراف تے جو کجھ اوس سچائی نے ساڈے لئی کیتا اے اک موثر مدد اے۔ جے غرور، توہم پرستی یا کوئی وی غلطی حاصل ہوون والے فائدیاں دی ایماندار پچھان نوں روک دے نیں تے ایہہ بیمار دی شفایابی تے طالب علم دی کامیابی وچ اک رکاوٹ ہووے گی۔

6- 1:493 (کر سچن) 2، 6-8

کر سچن سائنس تیز رفتاری نال سچائی دی فتح مندی دکھاندی اے۔۔۔۔۔ بدنی فہم تے بدنی فہم توں حاصل ہوون والے سارے علم غیر فانی سچائی دیاں ساریاں شیواں لئی سائنس قابل قبول ہونی چاہیدی اے۔

7- 32:287 (سچائی) 8-

سچائی نوں غلطی دے نال گندہ نیں کیتا جاسکدا۔ ایہہ بیان پئی سچائی اصلی اے ایہدے وچ لازمی ایہہ متعلقہ بیان وی شامل اے پئی اوہ غلطی، یعنی سچائی دی مماثلت، غیر اصلی اے۔

سچ تے غلطی دے وچالے فرضی لڑائی روحانی حساں دے ثبوت تے مادی حواس دی گواہی دے وچالے بس اک ذہنی تصادم اے، تے روح تے بدن دے وچالے ایہہ لڑائی الہی پیار دے فہم تے اوہدے اُتے ایمان دے راہیں سارے سوالاں نوں حل کر دیوے گی۔

8- 15:450 (کچھ)-26

کچھ لوکی سچائی دی چھوون نوں ہولی ہولی من دے نیں۔ کچھ لوکی بغیر کوشش دے من دے نیں تے کچھ لوکی ایہہ من وچ شر ماؤندے نیں پئی اوہناں نے من لیا اے؛ پر جے ایہہ نہ منیا جاوے تے بدی آپ ای چنگیائی دے خلاف گھمنڈ کرے گی۔ کر سچن سائنسدان بریائی، بیماری تے موت نوں مکلن والیاں دی فہرست وچ شامل اے، تے اوہ اپنے کچھ نہ ہون تے رب یا چنگیائی دے قادر ہون نوں سمجھن نال ایہناں اُتے قابو پاسکدا اے۔ اوہدے لئی بیماری پاپ توں گھٹ آزمائش نیں اے، اوہ ایہناں دونواں اُتے رب دی قدرت نوں سمجھدیاں ہوئے دونواں توں شفا پاؤندا اے۔ کر سچن سائنسدان ایہہ جان دا اے پئی اوہ غلطی والے عقیدے نیں، جنہاں داستیاناس سچائی کر سکدی اے تے کرے گی۔

9- 15-10:254

جدوں اسی صبر نال رب دی اڈیک کر دے آں تے راستبازی نال سچائی نوں لبھدے آں تے اوہ ساڈی راہ وچ ہدایت کر دے۔ غیر کامل انسان ہولی ہولی اصلی روحانی کاملیت نوں پکڑ وچ کر لیندا اے؛ پر ٹھیک طراں شروع کرن لئی تے ہستی دے وڈھے مسئلے نوں ظاہر کرن دے معاملے نوں جاری رکھنا بوہت وڈھا کم اے۔

10- 32-22:371

کر سچن سائنس دے دعویاں دی ہدایت دیندیاں ہوئے میں کوئی ناممکن گل نہیں سمجھدا؛ پر کیوں جے ایہہ تعلیم زمانیاں توں پہلاں دی اے، ایس لئی ساہنوں ایہدے روحانی انکشاف دی لوڑ توں انکار نہیں کرنا چاہیدا۔ سائنس تے مسیحت دے راہیں ہی انسانیت وچ بہتری آدوے گی۔ دوڑنوں تیز کرن دی لوڑ ایس اصلیت دی پیو اے پئی سیان ایہہ کر سگدی اے؛ کیوں جے سیان گند دی بجائے صفائی، کمزوری دی بجائے طاقت، تے بیماری دی بجائے تندرستی دیندی اے۔ ایہہ پورے نظام وچ بدلن دے قابل اے، تے ایہنوں ’ہر ذرے تیکر‘ بنا سگدی اے۔

11- 32-27:254

جے تسی ہمیشہ مشتعل پر سیچائی دے صحت والے پانی اُتے چھمک سٹ دے او، تے تہانوں طوفاناں دا سامنا کرنا پوے گا۔ تہاڈی نیکی نوں بدی آکھیا جاوے گا۔ ایہہ ای سولی اے۔ ایہنوں چکوتے برداشت کرو، کیوں جے ایہدے راہیں ای تسی جت دے او تے تاج پاؤندے او۔ دھرتی اُتے مسافر او، اسمان تہاڈا گھراے؛ اجنبی او، رب دے تسی پرونے او۔

12- 4:380 (سیچائی) (توں۔)

سیچائی ہمیشہ فتح مند رہی اے۔

روزانہ دے فرض

میری بیکراڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے،“ الہی سچیائی، حیاتی تے پیاری سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کر دیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیائیاں دا پرچھانواں بن دا اے۔ ایس چرچ دے سارے رکنناں نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چُستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔